



UNIVERSITÄTS-
BIBLIOTHEK
PADERBORN

Universitätsbibliothek Paderborn

**D. Haymo-//nis Episcopi Hal-//berstattensis, De Varietate//
librorum, siue de Amore cœlestis// patriæ libri. III. ...**

Haimo <Halberstadensis>

Coloniae, 1531

VD16 H 231

I De qualitate futurae ac perpetuae vitae.

urn:nbn:de:hbz:466:1-29814

D. HAYMONIS EPI.

SCOPI HALBERSTATTEN

sis, de amore cælestis patriæ,
liber primus.

De qualitate futuræ ac perpetuæ vitæ.

Caput .I.

Prosp.



E futura enim vita plus creden-
dum est quam scribitur. Quia
nec potest tātum inde proferri
sermone, quantum potest men-
te complecti. Et minus conci-
pit mentis quamlibet profunda
complexio, quam se habet rei ipsius magnitudo. Er-
go futura vita creditur beate sempiterna, & sempi-
terne beata, vbi est certa securitas, secunda tranquillitas,
tranquilla iucunditas, felix æternitas, æterna fe-
licitas: ibi amor perfectus, timor nullus, dies æternus,
alacer motus, & vnus omniū spiritus de cōtempla-
tione dei sui, ac de sua cum illo permanfione securus.
Vbi ipsa ciuitas, quæ est angelorū, sanctorum, & ho-
minū congregatio beata, meritis fulgentibus micat
æterna salus exuberat, veritas regnat. Vbi nec fallit
quisquam nec fallitur: vnde nullus beatus eijcitur, &
nullus miser admittitur. Ad quam qui bonorū ope-
rum cōsummatione peruenerint beatus angelis simi-
les erunt, & simul cum deo suo sine fine regnabunt.
Quod hic crediderunt, ibi videbunt, sui creatoris sub-

LIBER PRIMVS.

stantiam mundis cordibus contemplantes, æterna exultatione gaudebunt. Dilectione diuina ac mutua delectatione possessi Deo suo in æternũ, & inuicem sibi feliciter adherēbunt, & in illa æterna vita omnes Sancti Deum videbunt, vbi sine fine gaudebunt. Ibi gaudebunt, vbi premiũ reportabunt: ibi recepturi sunt premiũ, vbi non solũ deuictis, sed etiã finitis hostib⁹ triumphabunt: ibi triũphabunt vbi vltierius aduersarij non timebunt. Ibi humanorũ peccatorũ tanta & tam perfecta erit munditia, vt habeant vnde munitati suæ Deo gratias agant, non vnde offensa aliquibus peccatorũ sordibus erubescant. Quia ibi nec vlla peccata, nec peccatores erunt, & qui ibi fuerint iam peccare nõ poterunt. Ibi em̄ gaudent, & sine fine gaudebunt. Ibi hymnidici Angelorũ chori, ibi & societas supernorum ciuium, ibi dulcis solemnitas à peregrinationis huius tristri labore redeuntium. Ibi prouidi Prophetarũ chori, ibi iudex Apostolorũ numerus, ibi innumerabilium martyrum victor exercitus, tanto illic lætior, quanto hic durius afflictus. Ibi confessorũ constantia premij sui perceptiõē consolata. Ibi fideles viri quos à viriditatis suo robore voluptas seculi emollire non potuit. Ibi sanctę mulieres quę cū seculo sexum vicerunt. Ibi pueri, qui hic annos suos moribus transcenderunt. Ibi senes, quos hic etas debiles reddidit, & virtus operis non reliquit. Ibi quicumq; erunt, etsi differentibus meritis ab inuicem distabant, omnes tamen vna perfectione beati erunt. Quia singulis premia sua sufficientia erunt, & capere amplius premijs suis iam perfecti non poterunt.

Greg.

Prosp.

HAY. DE VARIET. LIB.

& in illa tanta beatitudinis regione nec maiora me-
 rita sibi aliquis arrogabit. quia arrogantia ibi nulla
 erit: nec superiori inferior inuidebit, quia inuidia ibi
 esse non poterit. Et ideo si ibi erit distantia mansio-
 nū, summa in illis erit vnus perfectionis æqualitas,
 quibus erit regni cælestis vna felicitas. Denarius qui
 dem ille equalis est illis omnibus, quæ paterfamilias
 eis qui opertati sunt in vinea iubet donari omnib⁹,
 non ideo discernēs qui minus, & qui amplius labo-
 rauerunt. Quo vtiq; denario vita significatur æter-
 na vbi amplius alio nemo viuit. qm̄ viuendi non est
 distantia, nec in æternitate mansura, sed multæ man-
 siones diuersas meritoꝝ in vnitæte æterna significāt
 dignitates. Alia em̄ gloria solis, alia gloria lunæ, alia
 gloria stellarū: Stella enim à stella differt in gloria, sic
 & resurrectio mortuorū. Tanq̄ stelle sancti diuersas
 mansiones diuersæ claritatis, tanq̄ in cælo sortiunt̄
 in regno, sed propter vnum denariū nullus separāt̄
 à regno: atq; ita erit Deus omnia in omnibus: vt qm̄
 Deus charitas est, per charitatē facit, vt quod habēt
 singuli, cōmune sit omnibus. Sic em̄ quisq; etiam ip̄e
 habet, cum amat in altero, quod ip̄e non habet. Nō
 erit itaq; inuidia imparis claritatis, cum regnauerit ī
 omnibus vnitas charitatis. Quāuis in illa retributio-
 ne perpetua ea dignitas omnibus non sit, vna tamē
 erit om̄ib⁹ vita beatitudinis. Vnde & per semetip̄m
 dominus dicit: In domo patris mei mansiones mul-
 tæ sunt. Sed tamē qui in vineam cōducti sunt, quam-
 uis diuersis horis venerint, vnum tamē denariū per-
 ceperunt. Qua itaq; ratione conueniant mansiones

Aug.
Mat. 20.

1. Co. 15.

Grego.

Ioan. 14.

LIBER PRIMVS.

multę cum vno denario: nisi quia diuersę quidē beatorum ciuium dignitates erunt, sed tamē vna requies æternæ retributionis. Nam & si dispar erit meritū singulorū: nō erit diuersitas gaudiorū. Quia etsi alter minus, atq; alius amplius exaltatur, omnes tñ vnū gaudium de cōditoris sui visione letificat: & semel illius beatæ vitæ facti participes, inexplēbilitē autorem beatitudinis suæ cōspiciunt. Et merito suæ stabilitatis in eternū felices effecti, de sua permanēte securi sunt, qui summū solidumq; gaudiū, quo inexplēbilitē perfruuntur de diuina cōtemplatione percipiunt, ac Deo suo infatigabiliter & amanter inseruiunt. Ita perfectē beati, vt nec cupiant beatiore fieri vltra nec valeant. Erit em̄ illis in illa beata patria, intellectus sine terrore, memoria sine obliuioe, cogitatio sine peruagatione, charitas sine simulatioe, sensus sine offensione, incolumitas sine debilitate, salus sine dolore, vita sine morte, facilitas sine impedimēto, saturitas sine fastidio, & tota sanitas sine morbo. Ibi nec fletus vllus potest esse, nec gemitus. Habebūt ibi omēs Sancti amorem perfectum, timorē nullū, gaudium sempiternū. Ibi erit volūtas recta, cupiditas nulla. Quoniam fruendo cælestibus bonis, ad quæ peruenire cupiebant, nihil eis deerit quod vltiori cōcupiscant, & illi perpetua regione securitatis ac pacis perfectē beati, nec timoris stimulos passuri sunt, nec doloris. Ibi erit omnium fidelium catholicorū salus plena, corruptibilitas nulla, & immortalitas beata. Ibi erit prudentiæ ac sapiētiæ perfectio vera, rerum omnium cognitio tota. Ibi quicumq; saluus fuerit, perī

HAY. DE VARIET. LIB.

re vltra non poterit, sed animus Deo subiectus, cum
 carne sibi subiecta regnabit in pace sempiterna. Que
 autem lingua dicere, vel quis intellectus capere suffi-
 cit illa superne ciuitatis quanta sint gaudia, angelo-
 rum choris interesse, cum beatissimis spiritibus glo-
 riæ cōditōris assistere, presentem vultum Dei cerne-
 re, in circūscriptum lumen videre, nullo mortis me-
 tu affici, incorruptionis perpetuæ munere lætari?
 Nemo namq; mortaliū dicere aut cogitare potest,
 quanta in illa perpetua regione sint gaudia iustorū,
 1. Cor. 2. dicente scriptura: Oculus non vidit, nec auris audi-
 uit, nec in cor hominis ascendit que præparauit Deus
 diligentibus se. Diligamus ergo Deum fratres
 charissimi, eius videlicet mandata custodiendo.
 Diligere enim Deum mandata eius custodire est.
 Ipse enim ait: Siquis diligit me sermones meos ser-
 uabit. Et Ioānes in epistola sua ait: Qui dicit, quia di-
 ligo Deum, & mandata eius non custodit, mendax
 est. Curemus per omnia mandata dei in quantum
 ipse dederit custodire, elemosynas faciendo, oratio-
 nibus, lachrymis, vigilijs, ieiunijsq; insistēdo. Bona
 quibuscunq; possimus operando, ea quæ mala sunt
 declinādo, & q̄ sancta & Deo placita sunt, ipso adiu-
 uante totis viribus operando, vt peruenire merea-
 mur ad sanctam societatem Angelorum ciuiū, æter-
 nam Hierusalem: in qua ē electorū omniū societas
 sancta, solemnitas certa, requies segura, pax vera, vi-
 ta perpetua. Ad quam illorū omnium qui in ea sunt
 meritis & precibus adiuti mereamur ascendere, eo

Ioan. 14.
 1. Ioan. 2.